

日本書紀撰者辨

リ 5

4836

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30



リ5  
4836  
本



日本書紀撰者辨



去五味均平蔵

大造 兼 崇 崇

尾張

河村秀興

同考

日新 德 吉

今 期

國 集

弟 秀 根

竊按日本書紀者。元明天皇

詔而使博學文才之儒臣纂修焉。

使舍人親王為惣裁也。以其任

重焉。故獨專撰名者矣。然而後世

妄謂其撰成於親王一人之手者。不考之誤不亦大乎。續日本紀曰。元明天皇和銅七年二月戊戌。詔從六位上紀朝臣清人三宅臣藤麻呂。令撰國史。又曰。元正天皇養老四年五月癸酉。先是一品舍人親王奉勅修日本紀。至

是功成。奏上紀三十卷系圖一卷。又曰。養老中。賜紀朝臣清人穀一斛。優學士也。類聚國史國史篇。載元明帝詔清人藤麻呂。令選國史之事。及養老四年上日本書紀之事。釋日本紀引弘仁私記。序曰。日本書紀者。一品舍人親王

從四位下勲五等大朝臣安麻呂  
等奉勅所撰也。又引新儀式曰。  
修國史隔三四代修之。先定其人。  
第一大臣執行參議一人。大外記  
并儒士之中擇堪筆削者一人。令  
制作之。諸司官人堪事者四五人。  
令候其修畢奏進之。須下所司而

續日本紀。彼不載親王。此不載清  
人藤麻呂。又養老中賜賞清人。以  
是考之。和銅中詔此二人使纂  
集。至養老中使親王爲惣裁。使清  
人助之者歟。恐或清人以博學文  
藻冠當時歟。弘仁私記。雖記安麻  
呂之所撰。其所撰之古事記者。與

日本書紀所載之事。齟齬乖戾多有焉。故謂蓋於其纂集也。以清人之大手筆使之專焉。安麻呂等第備其負耳。纂集惣裁之例。文德實錄者。藤原基經惣裁焉。都良香專選焉。三代實錄者。藤原時平惣裁焉。大藏善行專選焉。故知親王之

於日本書紀亦猶此乎。夫續日本紀日本後紀續日本後紀文德實錄三代實錄。僉有序表。獨此紀無序表。釋日本紀云無序也。豈其所以上代未備其文歟。雖然。養老之朝。文學如此其盛矣。奚為無序表哉。蓋其泯矣。夫所上之系圖一

卷今亦滅矣。不亦大惜乎。嗚呼。古  
之典籍多泯沒矣。後之人以誤傳  
誤。或杜撰附會。大使人惑焉。亦唯  
不深考之罪也。何為鹵疎之甚。故  
不佞等有慨於此。乃以其志語恭  
軒吉見先生。先生曰。善哉。爾輩之  
志也。他日其成。則有大補於世之

為。吾邦古典正史之學者。噫。有  
始鮮能有終者。生等慎勿中途而  
廢焉。於是乎錄之。為其考。日本書  
紀之嚆矢已。

延享丁卯之春

京師 永田 隆興 識

日本書紀集解

嗣出

書肆

京師 永田調兵衛

尾張 木村六右衛門

*[Faint bleed-through text from the reverse side of the page]*

大正戊午二月下泚

福井 敏



